

四庫全書

史部

欽定四庫全書

史部

平定朔漢方畧卷二十五

詳校官編修_臣曹振鏞

編修_臣裴謙履勛

總校官進士_臣繆琪

校對官中書_臣鮑之鍾

謄錄監生_臣許紹錦

欽定四庫全書

聖祖仁皇帝親征平定朔漠方略卷二十五

癸酉

撫遠大將軍伯費揚古奏報勦滅噶爾丹於昭

莫多之地羣臣入

賀

上駐蹕中拖陵大將軍伯費揚古為勦滅噶爾丹事遣

副都統阿南達來奏

上出慢城外

親閱所奏䟽䟽曰五月十一日遣喀爾喀鄉導隨藍翎侍衛布達驪探噶爾丹行踪仗

聖上親統精銳大兵臨巴顏烏闌之威厄魯特噶爾丹心胆破裂魂魄迸散逃遁而來五月十三日

臣

軍正向昭莫多行布達等至特勒爾濟口見厄

魯特踪跡遣人來報

臣

等即令署前鋒統領碩

代副都統阿南達阿迪等率前鋒試挑之如厄

魯特力寡即行勦滅多則徐誘之來因厄魯特
勢衆碩代等誘之至大軍將及昭莫多厄魯特
來逼前鋒之尾碩代等率前鋒且射且却一面
遣人來報臣等令將軍孫思克綠旗官兵居中
京城西安滿洲漢軍官兵察哈爾諸扎薩克蒙
古就東方山之高處右衛滿洲漢軍官兵大同
總兵官康調元綠旗官兵喀爾喀扎薩克就西
方沿河布陣謹遵

聖上預授之策令官兵皆步行噶爾丹率賊萬許對陣
向前逆戰官兵奮勇發鳥鎗砲矢自未至酉敵
人將潰官兵上馬鳴角仗

聖上威靈擊噶爾丹而大敗之分行追逐至特勒爾濟
口勦殺三十餘里斬首二千餘級生擒百餘人
及昏黑乃鳴角收兵大獲子女駝馬牛羊兵器
什物理合奏報謹具本奏

聞

閱畢批曰覽卿所奏率官兵至昭莫多厄魯特噶爾丹率賊萬許拒敵卿令大兵皆下馬齊列自未至酉奮勇力戰賊人將潰令我軍士上馬衝入噶爾丹大敗追逐三十餘里斬厄魯特二千餘生擒百餘人大獲子女駝馬牛羊兵器什物卿調度有方官兵奮勇殊為可嘉在事有功人員著從優議叙具奏

上問阿南達交戰情形如何阿南達奏曰費揚古等前

奉密

旨截噶爾丹逃竄之路前至昭莫多地方噶爾丹被
皇上親追心膽俱裂日夜奔竄困乏已極至特勒爾即
地方署前鋒統領事碩代等率前鋒軍誘之前
來隨令發砲賊不能當即行衝入遵

皇上訓旨令官軍俱步戰自未至西賊始潰亂遂令軍
士乘騎進擊大敗之追奔四十里費揚古恐涉
誇張故於疏內皆約略言之其實交戰處斬賊

三千餘級其被創逃竄死於山谷中者屍骸枕藉生獲數百人殺噶爾丹之妻阿奴及賊之渠首甚衆獲其子女駝馬牛羊器械等物無筭惟噶爾丹引數騎逃出其零星逃散之賊投降大將軍馬思喀者千餘人問陳獲厄魯特之人皆云前經哨卒報稱

皇上躬親征勦噶爾丹尚未信云

皇上定不親征必遣將前來此何足懼故不設備後其

所親信并從我軍放還之人至彼具言

皇上身先八旗前鋒而行親征果真彌山布野軍威甚
猛實難抵敵噶爾丹乃惶遽但云我等今不可
遲遂抱頭鼠竄亡命潰遁噶爾丹所屬人多怨
懟者噶爾丹云我初不欲來克魯倫地方為達
賴喇嘛煽惑而來由今觀之是達賴喇嘛陷我
我又陷爾衆人矣

上問曰爾等之兵前若如約於四月二十四日至土喇

二十七日，至巴顏烏闌，則更當何如？阿南達奏曰：「誠若是，則賊盡授首，即一人亦不能逃脫矣。於是衆皆歡呼，聲震天地。衆扎薩克、蒙古王、貝勒、台吉等及喀爾喀汗王、台吉等，無不踴躍歡忭。」

上顧謂衆大臣曰：「此番師出，即奏膚功，皆

上天眷佑也。應先叩謝。

上天乃於

行宮南門外設香案。

上親率諸王

皇子等文武官員及蒙古王汗台吉等俱按次排立
行三跪九叩頭禮畢

上入行宮大學士伊桑阿張玉書恭捧諸王大臣文武
官員慶賀表入奏表言臣康親王傑淑等竊惟
帝王之師無征不服軍國之事惟斷乃成從來
用兵殲寇之烈未有如我

皇上今日北征之盛者也

皇上統御萬方子育兆姓遐邇內外視同一體雖在荒
徼絕域無一民一物不容保於天覆地載之中
乃獨厄魯特噶爾丹自棄生成恣行悖逆竄伏
塞外擾虐我臣服之喀爾喀屢頒

諭旨怙終弗率蠢茲頑梗難以仁綏

皇上誕布天威聲討有罪遂

親統六師從中路撲勦而以費揚古為撫遠大將軍由
西路刻期並進一切調遣機宜悉經

宸斷維時廷臣惕然震悚交章請留而

聖意但在除殘謂非躬蒞行間不能相機從事且

皇太子篤孝性成久習機務在京政事付託料理自

無不協於是昭告

天

地

宗廟

社稷禡牙輶路諏日遄征自二月出師以來

皇上屢申軍約法令詳明加意拊循訓勉周至偶遇道路險隘或陰雪間作輒傳

諭愛護馬匹並遣大臣侍衛協督車輓復頻祀山川風雨之神以迓天和百靈默相無不立應而又日御一餐以與士卒共甘苦給衣甲廐馬以爲士卒壯折衝頒賚牲畜均饗將士更時撤

御饌令會食以示優勞其外藩諸部王汗貝勒貝子公台吉等先後會師來朝者

皇上恩禮褒加錫予尤渥至于邊塞行師每憂乏水蒙
皇上周覽井泉親視疏鑿因有靈源湓涌之異師徒百
萬無不利濟又餽饗道遠自古為難仰厪

宵旰焦勞多方籌畫趣令所轉之粟陸續達於師中
而軍食不匱以此連營軍旅士馬飽騰罔不踴
躍前驅爭欲滅克頑而後朝食者矣若夫營伍
之遠近進止之疾徐刁斗之嚴明皆一一稟自
睿裁而斥堠哨望尤軍中所重每煩

聖駕親行巡察故軍士倍加謹愍馬初大軍之分幟而行也

皇上常御旌門令諸將士乘騎徐進以次簡閱於時丞
徒之銳馳馬之蕃外藩君長環立侍觀者咸歎
為軍容極盛迨五月初一日師出拖陵有謀者
言噶爾丹近在克魯倫河之地

上迺大喜遂令八旗官兵及火器漢軍綠旗諸營並蒙
古兵畢會申命策勵以鼓士氣分賜諸王駝馬

及將領衣服隨酌定營制指示陣法悉教以前
後左右步伐止齊之宜變化不窮動合經緯自
是師行之際諸軍萃集我武益張甲冑旌旄彌
滿山谷而按列就伍無有越次仁義節制之師
所向無敵豈區區小醜所足當一擊哉噶爾丹
自去歲潛入巴顏烏闌彼自以為窮荒朔漠之
區天兵道阻不能驟至即使興師遣將亦必俟
夏秋之交而

九重至尊遠臨大漠尤所不敢預料而戀水草以住
牧假食息以遷延及我兵進逼克魯倫河噶爾
丹忽見

天子躬統貔貅行已壓境而將軍費揚古偕舒恕孫思
克等又祇遵

廟算以五月初三日統西路大兵依期抵土喇河斷
絕歸路乃相對愕眙謂

王師殆自天而降耶師衆如此何以能猝至無水之

地也遂倉皇而遁初八日

皇上親統大軍追勦噶爾丹

聖駕前行每見高山深谷輒遣哨搜捕逃匿之賊往輒就擒其奉遣者遵

上指示則獲利遠即失事衆皆驚異是時諸將士無不銳意俘馘而

聖心如天好生猶以抗命者唯噶爾丹一人其餘脅從皆吾赤子不忍盡殲之於鋒鏑之下

特頒勅旨示以誠信諭以歸降且宥所擒厄魯特人
賜之蟒服令隨使臣偕往而噶爾丹昏迷惶惑
惟圖倖脫竟踉蹌棄輜重遁走巴顏烏闌初九

日

皇上命留步兵大礮於後

躬率先鋒兵前進追至克勒河朔沿途見賊遺棄之物
無算所謂狼奔鼠竄惟恐偷生之不速矣十一

日

上命約減器物留於克勒河朔十二日

親統大軍追至拖諾山地方賊盡棄帳房盛甲刀鎗器械及老弱人口於道乘夜遁走訊之俘獲之人具言噶爾丹無晝無夜遁走者已三日今當過巴顏烏闌於時

車駕親行追寇閱五日

駐蹕拖諾

諭曰噶爾丹盡棄輜重宵遁求脫計西路大兵亦將

抵巴顏烏闌則噶爾丹遁無所之矣但兩路大兵
會師一路需糧甚多關係緊要輓運之米現在稽
遲今宜酌遣精銳追勦朕親率大軍回而迎糧經
畫兩路兵食乃

命馬思喀為平北大將軍授以精兵往追之諒噶爾
丹必被擒就死但恐兵丁乏糧

上乃於十三日班師十四日大將軍果以軍糧事馳奏
與

聖慮所至毫髮無爽噶爾丹因

大駕統兵急追西向遁走北至昭莫多適與西路大軍

相遇大將軍伯費揚古等隨布陣奮勇力戰大

敗賊衆追殺三十餘里陣斬二千餘人生擒百

許人獲婦子駝馬牛羊器械甚多餘黨皆潰噶

爾丹辜恩負德自取滅亡逆天者天必誅之此

之謂矣

皇上於用兵之初即分遣西路大兵遏賊歸路至是而

其效始明見焉在昔殷高宗之伐鬼方三年乃克周宣王之伐玁狁千里旋師然皆命將徂征猶且傳為盛事我

皇上六龍時邁直涖漠北從萬難進兵之地采入其阻計程約三千餘里為時僅八十日而絕塞寇氛悉行掃蕩何成功之速也從來蒙古鳥集獸散靡有定居倏去倏來踪跡飄忽故勦滅最難今合諸道之兵環至夾攻一舉而盡殲之

皇上料敵之奇如指掌用兵之道如神明隨征滿漢蒙
古諸王大臣等咸以為

聖武天授非人力所及自此沙漠永清邊圉孔固駿烈
之奮揚聲靈之赫濯信為史冊之所稀聞詩書
之所罕載而漢於匈奴唐於突厥非所論矣臣
等幸叨扈從欣聽凱歌自媿奔陋不能形容盛
美欽惟

皇上勤一身以綏輯烝民勞一時以貽安奕禩惟

聖人之至仁乃能定大業

聖人之至斷乃能建膚功勲邁百王光垂千古伏冀遠

布捷音宣示中外以上答

宗社之靈下慰四海臣民之望其告祭及頒

詔事宜俟

聖駕還京所司具儀題請臣等特此先奏微忱不勝懼

躍忭舞之至奏入

上曰朕為中外生民之主綏輯海寓愛養元元惟以率

土人安為念厄魯特噶爾丹擾亂邊塞心懷狡謀
逆天虐民不容不行勦滅朕親率大軍遠出塞外
聲討有罪噶爾丹聞風遁走希圖倖脫適與西路
大兵相遇大將軍費揚古等奮勇力戰大敗賊衆
擒斬無算盡獲其人口牲畜從此邊境寧謐不煩
遠事征討四海蒼生可共享昇平之福朕心深切
喜悅覽王等奏知道了應行事宜所司詳察典例
具奏諸王大臣文武官員進

賀表出

諸王子在幔城內諸王及文武大小官員外藩諸汗

王台吉在幔城外三跪九叩頭行

慶賀禮

皇太子奏言為

天威遠震窮寇潰亡仰申慶賀事

臣竊惟噶爾丹逆天

悖誓忘其死亡棲於邊塞侵掠喀爾喀等部

皇父奠安生民廓清疆宇不惜勞苦親統大兵深入敵

地運籌

聖算布昭

天威

躬先將士統率前進奮揚我武跋涉徂征噶爾丹委棄

輜重狼狽潰逃其所屬之人來歸者甚衆

臣聞

之不勝欣喜即傳集文武羣臣宣布捷音大小

人員聞知之頃罔不懽忭此皆

皇父一人獨斷籌畫周至調度精詳噶爾丹何能出

皇父謀略之中乎今

神威遠播其所屬之人皆已流散噶爾丹必然就擒邊

疆安定

臣但願速見

天顏不勝依戀謹請

皇父萬安奉

旨朕于六月初十前可以至京

臣謹按古來出塞征蒙古者徒糜糧餉疲士

馬有驅逐之名未嘗有誅勦之實我

皇上天亶至聖度敵之情偽燎若指掌鑒事之始終炳
如懸鏡謂狡寇一日不除則生民一日不安
爰

躬統六軍進勦噶爾丹而滿漢大小臣工請罷

親征遣將出師者甚衆蒙

頒發諭旨示以烏闌布通前事不能已于

親行之故後羣臣復謂二月方寒邊外冰雪未消請展

期至三四月

上念行師之道以速為貴不允所請至中途喀倫地方
諸臣又以噶爾丹聲息杳然斷已遠遁大兵
可不煩深入而

聖意益堅嚴飭諸臣刻期前進至獲噶爾丹實音諸臣
又謂當陳兵前列

御駕居中而行

皇上神武天授

躬先八旗前鋒窮追五日噶爾丹窘迫已極狼狽西竄

而

皇上豫遣西路之兵適與相遇大敗之于昭莫多之地
軍鋒一接立就滅亡倘果如衆請非

上親蒞軍中又或展期啟行稍有濡滯則噶爾丹得以
早覺遠遁無踪何能七旬之中滅一大國百
日以内奏凱旋都乎從此邊塞鞏固中外永
寧國家享萬載無疆之福皆

一人躬親勞苦之所致也

皇上非常偉績誠與天地同不朽矣

命收捕陝西邊塞內外噶爾丹種類

上諭內大臣索額圖大學士伊桑阿曰朕率大兵至克魯倫河噶爾丹一聞風聲拋棄子女帳房鍋釜等物乘夜奔竄於五月十三日西路大將軍率大兵至特勒爾濟地方遇噶爾丹潰遁與之交戰厄魯特賊衆大潰斬殺甚多其餘逃散者陸續投順厄魯特噶爾丹止帶三十餘人逃竄而去應作速移

文陝西總督巡撫提督總兵官等將邊外邊內之多巴西喇固爾等處凡有噶爾丹所屬之人俱即行收取尚書圖納習知地勢著馳驛迅速赴陝西會同總督巡撫提督總兵官等料理此事若非噶爾丹之人勿悞收取將此即作速知會

命檄青海諸台吉捕噶爾丹及其餘黨

諭領侍衛內大臣索額圖大學士伊桑阿曰噶爾丹先於烏闌布通地方敗潰之時首頂威靈佛云乃

鬼魅引我來進皇上喀倫不然我豈敢擅入此後
不但扎薩克蒙古之在喀倫以內者即歸附皇上
之喀爾喀若騷擾一人此威靈佛即誅戮我因有
此盟誓朕停止大兵追勦使其生還噶爾丹之克
逆仍不悛改去年至克魯倫地方又侵掠歸順之
喀爾喀納木渣爾拖音朕用是震怒今年調遣各
路大兵朕躬統六師欲親行勦滅至克魯倫河厄
魯特噶爾丹一聞聲息拋棄子女帳房鍋釜等物

乘夜而逃西路大將軍伯費揚古率領大兵至特
勒爾濟地方遇噶爾丹敗走戮力交戰厄魯特賊
寇大潰斬殺甚多子女駝馬牛羊等物盡行俘獲
其餘逃散者陸續來降厄魯特噶爾丹止帶三十
餘人逃竄想噶爾丹冀免誅戮遁逃西去亦未可
知應着理藩院遣才能官一員併筆帖式前往知
會青海地方台吉等着傳諭伊等所屬可通西路
地方居住人等知悉各相防備偵探信息若遇厄

魯特噶爾丹即行拿送或既遇而不拿獲或既經
拿獲不行遣送明知故釋此後即永以賊論再將
呼戶訥爾地方現在居住噶爾丹所屬人等著盡
行拿送將此情節令理藩院譯蒙古字迅速馳驛
往送青海地方

命諸蒙古兵各歸本部侍郎安布祿奏曰昔議叙喀
爾喀貝子盆蘓克之事奉

旨俟至克魯倫後再奏令貝子盆楚克出征未回應

俟到京時再議奉

旨
在後喀爾喀蒙古兵俱令散歸各家至秋月赴京
叙功之時一併具奏

上諭皇太子曰侍讀學士喇西引丹巴哈什哈於十七
日到朕素識其面非下流無知識之人令喚入賜
坐問之其應對言語真實明爽云噶爾丹素有謀
為亦得人心每悔深入烏闌布通輕易交戰近思
於克魯倫土喇諸處將喀爾喀及內地蒙古用計

煽惑令之首尾不相自顧彼時希圖大舉滿洲聞
知必然出師師少則與之戰師衆則委地而退待
滿洲既旋復躡襲其後如此不數年自然財賦耗
絕必致疲弊是以畜謀而來也伊心志本侈今不
意聖躬親統如許大兵度人所難行之瀚海俄頃
而至厄魯特之衆窺見軍威莫不喪膽於初七日
早即行潰遁晝夜奔馳棄其生計因追兵緊尾其
後狼狽流離又於十四日在特勒爾濟地方突遇

西路大兵時厄魯特兵五千有餘烏鎗不及二千
自克魯倫巴顏烏闌以上極其亢旱莖草全無五
晝夜倉皇敗走於無草之地沿途委頓隨去者少
曾見西路之兵先據高阜我厄魯特據一小坡徒
步拒敵天朝大兵亦徒步與戰火器齊發整肅從
容相逼而進其前有舉棍者有將紅圓之物遮蔽
其身者漸戰漸近至十步內箭來如雨先從噶爾
丹所領之隊敗遁次則丹濟喇丹津溫布亦遁阿

喇卜灘一隊尚相拒未動於是滿洲騎兵將厄魯特大營圍繞其婦人稚子及馬駝俘獲甚多牛二萬頭羊四萬隻又見阿奴喀屯為鳥鎗所中而死戴巴免爾寨桑中砲連貫四人而死波羅特和卓中箭而死後復短兵前接更有一隊所持非鎗非刀衝突直入所向之處人皆披靡斃者無算思我主背其誓言獲罪聖主天實厭之至於此極我等素行殺戮離拆人之妻子今孽歸己身輾轉思維

愛惜性命故背我主而圖倖免殺戮存留皆出聖
恩又以滿兵如何問之云我等會於烏闌布通時
即已畏懾今來此克魯倫土喇我厄魯特傾國之
人皆豫知滅亡惟噶爾丹一人以為不然猶妄言
有成此乃天之定數彼不自知其然而然矣昔噶
爾丹征討諸國時所向咸剋如滿洲兵者實無敵
于天下我厄魯特如何抵當適自取覆亡也又問
噶爾丹得脫乎可擒獲乎對云聞噶爾丹僅率四

五十人而走擾亂中未經目覩然雖得脫無以資
生殆困餓以死耳書此正欲遣發十八日中副都
統阿南達賚至平滅厄魯特奏章遂一併附往其
陸續投誠之厄魯特二千有餘亦全獲其妻子牲
畜勦滅厄魯特之事畢矣將此情節於

皇太后前奏聞宮中咸令知之滿大學士尚書及內廷侍
衛大臣亦令知悉朕已率衆望

天申謝諸王大臣亦行慶賀特諭

甲戌

命皇長子雷駐中拖陵料理兩路大兵糧餉諸務

上諭皇長子曰大兵人口逐隊回師爾可於此地酌給糧食至于成龍處著于成龍撥與到京口糧使之前往

命以騎給徒行人衆收養遺雷僕從

上諭皇長子曰大軍之行兵丁內或有一二無馬步行者亦未可知有于成龍牲口可取使乘用我兵甚

衆內有不能攜帶僕從棄之而去者交于成龍給之飯食用其力使挽車看馬帶至家中交還原主大兵還家兵丁棄其盔甲器械什物亦未可知倘有不能帶回者有米完空車令裝載車上帶回

諭八旗諸臣回師禁令

上諭皇長子曰著諭八旗大臣爾等皆朕簡用之人今噶爾丹不能抗威聞風而遁諸大臣雖不得與戰惟約束官兵不擾沿途居民不飲酒不妄行搶奪

善飼馬畜就水草小心牧放不盜刈田禾以飼牲
畜不踐踏田禾不遺一人一騎全使到家此即汝
等之所以効力也如肆行搶奪遺畱人馬事發斷
不輕恕

命安插厄魯特降人於邊外

上諭皇長子曰天時炎熱應令厄魯特降人暫居張家
口外俟丹巴哈什哈等家口到後酌給牛羊鍋帳
等物到張家口後恐糗糧有悞可自于成龍取銀

五百兩交待郎西喇小心照管暫令居張家口外
候旨

撤僧古爾塔爾吉爾濟地方哨卒先是以僧古爾塔
爾吉爾濟處恐有寇警

上遣侍衛十五人護軍三十人赴明珠所以探聲息至
是

上謂大將軍費揚古既已擊敗噶爾丹無庸哨探矣若
畱伊等徒糜糧食耳著檄明珠酌畱數人其餘遣

回明珠隨奏畱新滿洲十五人其餘侍衛護軍俱遣回明珠報按察使劉暄運米五百石麵七千觔于五月十七日十八日陸續到克勒河朔隨給駝馬助運交侍郎阿爾拜同劉暄于十八日起行解赴大軍都司丁延祥運米五百一十九石以馬駝往迎自五月十九日起陸續到克勒河朔又原任知府于漢翔等運米八百石亦以駝馬馱運到克勒河朔交理藩院馬爾漢押同

起行解赴大軍

駕至察罕布喇克

命檄催于成龍趨運

上諭行兵部曰大軍運糧事務關係甚要因子成龍才能可用選出專令督理大軍運糧事務凡所題請無不允行初在京與于成龍面議時議定八十日
以內用兵丁自備之糧不用伊所運之米八十日
期滿即用伊所運之米著伊運米至土喇地方為

土喇以北進剿之需後將兵丁自備八十日口糧
內又減畱二十日口糧之時伊曾奏云兵丁自備
口糧原議至八十日期滿方用臣所運米令兵丁
各減畱二十日口糧只餘六十日口糧至食完即
用臣所運米車輛必不能至朕即命駱駝首領郝
尚圖等將減畱二十日口糧照數分載運至補給
兵丁今八十日已滿克魯倫去京一千九百里原
議糧車日行三十里以今計之已經行過八十日

矣若日行三十里應過克魯倫且至土喇今于成
龍等糧米不但未運至土喇雖克魯倫亦未有顆
粒運到以此觀之一日只行十里或十五里而已
噶爾丹一聞朕親征信息從克魯倫河逆流遁去
朕率大兵窮追五日再欲前往追勦因糧運未至
朕不得已率領大兵而回其西路糧運全然遲悞
土喇地方亦未曾運到顆粒西路大兵遇厄魯特
噶爾丹大敗之盡獲其子女牛羊等物猶幸克濟

若不將噶爾丹大敗與彼相持則將奈何悞事非輕現今西路大兵因糧米匱乏皆由中路而來厄魯特歸降之二千餘人其子女人口甚多已經著于成龍作速運米七千石前來伊止將米一千餘石著劉暄宋大業運過拖陵地方餘米全然未到今已行八十餘里糧車尚未見一輛詢及沿途倒斃牲口皆云係運糧馬騾觀其所駐扎地方皆不按驛站擇有水草之處俱於無水之地妄行駐扎

不但兵丁雖伊等運糧人夫量亦缺乏因糧米不能多到朕營官兵止給七日口糧俟趲行至喀倫地方將米補給况伊等運糧大臣官員無一人先到即漢官宋大業亦未令滿洲官員同行使其獨運米前來兩路大軍糧務關係甚屬重大著作速移文于成龍文到即將糧餉迅速運來毋悞軍需若仍遲延將糧米不行速運則于成龍等於遲悞軍需之中又加遲悞矣

乙亥

駕至西巴爾台黑龍江將軍薩布素等報到索岳爾濟
山請停收生巴爾虎薩布素等咨行兵部曰三
月十六日奉

旨著盛京烏喇兵照將軍薩布素所奏前來駐扎薩
布素領伊所屬一千五百名兵帶三月行糧於四
月初旬起程向克魯倫而來若遇生巴爾虎等可
即收取欽此我兵於五月初四日自喀爾喀河和

洛思台地方起程本月初九日至索岳爾濟山
後五十里之噶爾達蘓台河因興安地方之北
應加防備於是相視水草在噶爾達蘓台喀爾
布爾勒木布爾根等處屯兵其

盛京烏喇之兵遣人先來報云二十三日可到俟
衆兵齊集之後遣人至索岳爾濟山吳爾揮地
方探候大軍信息倘有厄魯特警報出兵之際
宜暫停收取巴爾虎俟事畢回時將巴爾虎收

取或抗拒或逃遁酌量施行乞大部一併議定
報

聞

丙子

駕至席喇布里圖畱牧喀倫蒙古王等行

慶賀禮畱牧喀倫之阿霸垓王吳爾占噶喇布達馬

林渣卜蒿齊忒王達爾馬幾禮第雅木披爾阿

霸哈納爾貝勒卜昭貝子額林辰達席協理吳

爾占噶喇布王旗分事務貝子車林敦多布協理旗分事務台吉德木楚克等來迎

聖駕慶

賀勦滅噶爾丹在

行宮前三跪九叩頭禮畢傳

上諭曰爾等意中曾料朕此行所乘之馬可直抵克魯倫立奏大功而還如是之速乎其直陳之朕尊為天子富有四海在京時飲食宴樂無不備具皆爾

等所共知此番出征朕日食一餐羊肉以外並無
猪鷩等物夙興夜寐櫛風塵而沐雨雪每至一處
朕皆步行及聞噶爾丹確信朕親率前鋒窮追凡
此特欲速滅克寇使爾等衆扎薩克得安生之故
耳今噶爾丹已滅喜奏膚功不但爾等此後永無
侵擾之虞得享昇平之樂朕亦不復為爾憂勞矣
王吳爾占噶喇布等跪奏云

聖主垂問

臣

等安敢隱昧我等蒙古地方三四月間草

不萌生牲畜饑瘦

皇上念我外藩蒙古不辭勞苦七十日之內於無水草之地行三千里立減一大國所乘馬匹騰驤而回誠世所罕有之奇事乃

天佛特相祐助耳噶爾丹為人克惡侵掠我外藩蒙古任意縱橫未有敢與抗敵者令我

皇上加以天威霆擊電掃不但我等蒙古世享太平之福萬邦之人聞

皇上聖德神功若此誰不傾心歸服傳

諭曰此番出兵各旗蒙古王貝勒台吉等於引路探
信牧馬掘井諸事甚為効力凡差遣處隨所指使
無不應機各當誠屬可嘉朕必使各得生計重行
賞賚至於喀爾喀等此番亦甚効力朕先以喀倫
之內視為一家今土喇克魯倫以內皆為一家矣

吳爾占噶喇布等叩頭奏云

臣等受

皇恩深厚於軍國之事自當効力今

皇上又沛

綸音如此軫念臣等更有何言但願仰托

皇上洪福優游樂業子孫世世効犬馬之勞而已

皇太子奏至言五月十九日接到

諭旨進

皇太后覽奉

皇太后旨前所遣書來知噶爾丹聞大兵聲息殺其妻子

棄其生計逃遁予心已即欣喜今更悉如

皇帝籌畫果與費揚古兵遇先戰一次擊敗之再戰大
敗之予聞不勝欣喜

皇帝之威福

天地

祖宗皆同眷佑所到成功奏凱而還予惟叩謝
天地神祇中心悅豫並問

皇帝安好又奉

諭旨宣示宮中訖又奏言

臣奉

皇父旨留居京師伏念

皇父俯為生民勤勞

聖體殫竭心思馳驅跋涉深入喀倫以外無水瀚海北

邊之地

臣

晝夜憂念於心前聞近克魯倫寇所

居處

天威所至賊聞風遠遁今又於五月十九日捧接

皇父頒到諭旨聞大將軍伯費揚古兵至殄除賊衆喜

音

臣

不勝懽慶謹拜

天以謝此皆

皇父預料逆賊決策破滅籌畫素定分路遣發大兵調度期會盡善之所致也黎庶得以安息皆

皇父念切國家民生感通

上天之故即傳集文武羣臣宣示捷音咸令聞知臣奏請

往迎

皇父候

諭旨一到即便起程急欲瞻仰

天顏以抒誠懇之念孺子依戀之心為此謹先稽首申

賀奏至得

旨用兵事務京師喜聞捷音故接連馳報今武功告成惟迅速還京此外更無多語也

上諭皇太子曰遣中使之後德木楚克台吉於二十一日到云十八日曾見兩處將軍會合賊於伯費揚古軍中投順者回子之阿卜都什汗厄魯特之車林渣卜台吉巴兔爾台吉顧魯默爾根台吉韓度

台吉梅寨桑馬木顧英寨桑厄林辰哈什哈顧英
寨桑畢車七大喇嘛畢西勒爾免綽爾濟被大兵
勦殺之後來降之厄魯特云丹濟喇於交兵時未
動師敗自刎阿喇卜灘兩處著傷未見脫出曾見
其所乘之馬殆亦死矣吳爾占渣布死于陣前噶
爾丹所率約十人奔僧枯爾上流前往噶爾丹有
言今已矣難以存留惟前往不拘何地饑餓以死
而已如此怨咎而行此番被殺與投順者朕皆素

知為噶爾丹信用之人今已殆盡但伊喇古克三
庫圖克圖丹津三人未知消息投順于費揚古之
人二千有餘投順馬思喀之人五百有餘將軍等
遣人四面覓其踪跡脫去無多擊賊之地我兵常
隻身獨行檢尋賊物有廓然蕩平景狀朕曾遣侍
衛馬五往觀俟回日明白詢問再諭朕恐汝等懸
念故屢示之將此情形于

皇太后前奏聞

丁丑

駕至烏喇爾幾地方駐蹕

命留米于西喇布里圖

上諭行兵部曰同知韋國佐所運米一百石著留於西
喇布里圖驛俟大兵到時散給兵丁

諭曰給米之事關係甚要前途無一大臣遣人至于
成龍處令乘自用之馬速來

命查收達賴喇嘛交通噶爾丹書札

上諭內大臣索額圖大學士伊桑阿曰令行文大將軍
費揚古馬思喀等著徧諭我兵及扎薩克蒙古喀
爾喀沙木巴王等王貝勒貝子所屬人並投誠厄
魯特等將達賴喇嘛班禪庫圖克圖第巴交通噶
爾丹之文或唐古特字或蒙古字俱查明收取交
一曉事賢能官作速馳驛送至御營事件不可遺
漏

戊寅

上駐蹕蘓德圖戶部奏請撥給現在

御營人口七日米糧奉

旨交與于成龍著大學士伊桑阿看給

命沿途休養士馬

上諭行兵部曰自喀喇芒鼐以前其草甚茂著諭後營大臣疲乏馬匹不可遺棄須從容調養務令前到步行僕從亦必加意撫恤勿遺一人前令步行僕從所到驛站即與飯食曾經給發米糧今朕回鑾

途遇步行僕從人等問之驛站並不給飯著傳諭各驛站自此以後若遇步行僕從務與飯食酌量給米遣發至交與疲乏馬匹必揀水草佳處牧放回時交還本主留皇長子於大兵後沿路稽察如有違悞不遵者察出定行正法決不寬恕

命于成龍李鈺喀拜分駐三處供應大軍糧餉

上諭議政大臣等曰給散在後二路大兵米糧關係緊急著于成龍李鈺喀拜三人於拖陵駐一人蘇德

圖駐一人拖陵蘇德圖之間駐一人應付大兵米糧除已過拖陵之米不議外其纔到拖陵之米著暫留拖陵前路若有取用候明珠移文運往其已出喀倫未至拖陵之米免運至拖陵隨所到之地即行留貯已有明旨諭皇長子及內大臣明珠矣其未出喀倫之米亦免前來隨處留貯俟大兵回時沿途應付此應付米糧之事亦已明諭皇長子及內大臣明珠其已出喀倫未出喀倫之米除應

給大兵外所餘米糧運至一緊要處或賑濟窮蒙
古或別有取用再行定奪爾等會議具奏隨議

上諭已極周詳俱應欽奉而行其左都御史于成龍侍
郎李鈞左通政喀拜俟奉

旨派定各駐一處之後再移文

皇長子併內大臣明珠得

旨著于成龍住拖陵李鈞住拖陵蘇德圖之間喀拜

住蘇德圖

已卯

駕至科圖

命安郡王馬爾渾暫駐喀倫愛必罕西喇穆冷地方
上諭內大臣索額圖等曰駐扎歸化城安郡王馬爾渾
等著往艾巴哈西喇穆倫之喀倫於大兵進喀倫
之前暫行駐扎如有厄魯特潰散逃竄來投降者
令其收取安郡王等無兵如有用兵處可酌調附
近蒙古兵如無用處不必調遣

命加恩喀爾喀從征諸部長

上諭理藩院曰此番出師喀爾喀之扎薩克等隨朕前來一無俘獲而服役甚勞著賞車陳汗銀一千兩緞十疋若彼已歸可即使人送往其餘扎薩克等各賞銀三百兩內扎薩克貝子盆楚克著傳旨諭云爾此番甚著勞績俟至京之日議定應封爾何爵即遣人賫勅印往封又協理旗下事務人員著各賞銀一百兩將此交明尚書庫勒納又喀爾喀

公車木楚克納木渣爾旗下鄉導齊旺言我喀爾喀遭亂之時臣妻與妹俱被厄魯特阿拉布灘等擄去今既大破厄魯特奪其子女設或尚存伏乞

聖恩給臣完聚為是叩

閣

上諭侍郎安布祿曰鄉導齊旺此番頗有勞績著理藩院移文大將軍伯費揚古若齊旺之妻與妹尚在

著察出給與完聚

庚辰

上於塔爾奇喇

賜留牧阿霸垓王吳爾占噶喇布達馬林渣卜蒿齊
忒王達爾馬幾禮地雅木披爾阿霸哈納爾貝
勒卜昭貝子額林辰達席等宴

賞王貝勒貝子銀各三百兩台吉等銀各一百兩原
封喀爾喀扎薩克貝子伊爾登濟濃達禮等喀

爾喀台吉之妻等皆衣蟒服喀爾喀男婦扶老携幼以及孺子齊集

行宮東門匍伏稽首跪奏曰噶爾丹乃我輩大仇恃其强悍虐劉我輩已至極矣今不意噶爾丹亦有喪亡之日也

皇上從天而降滅此克寇救我喀爾喀通國之患實非常之舉我輩今已得報之矣請謝

皇上再造之恩傳

諭曰朕君臨天下統御萬邦本無分於內外即海隅
荒陬皆吾赤子一體眷念厄魯特噶爾丹逆天肆
虐恃強陵弱擄掠喀爾喀等國故朕不辭勞瘁親
統大兵征伐勦滅今厄魯特之禍靖則朔方永清
矣汝七旗喀爾喀自今以後各自樂業圖報國恩
以副朕家視天下之至意原封貝子伊爾登濟濃
達禮等稽首跪奏曰臣等先為噶爾丹所敗窮
迫已甚特投

聖上而來

聖上將我輩容納恩養後噶爾丹又侵據我土地肆行

擄掠蒙

上恩恤令我輩移居喀倫之內今又勦滅噶爾丹以紓

我輩之大患自今以後我輩子孫世世得安生

業者皆我

皇上之殊恩譬人賴天之覆恃日之光以生

皇上即我輩之天日也但祝

聖壽萬年與天日同悠久耳又我輩衆人數百里拮据
而來祈得仰瞻

天顏再四叩懇奏入

上命以次引入幔城進見衆皆叩頭呼萬歲

皇上隨宣訓諭均賜茶出復遣掌膳章京莫洛渾等

賜宴仍

賞銀幣衣服有差又阿霸垓王卓禮克圖母妃王吳

爾占噶喇布母妃各

賜衣一襲及銀幣自是以後至獨石口皆依此例每
日汗王貝勒台吉等來

行宮外行慶

賀朝謁禮者甚衆坐立之處至不能容蒙古有名喇
嘛及王貝勒福金等男婦挈羣而來者如歸市
無論貴賤悉出誠心貢獻駝馬牛羊不可數計
駕行時男婦老幼羣集拜跪路傍合掌稽首絡繹不絕
附近衆扎薩克及牧場蒙古率妻子迎獻酒漿

酥酪者沿途環擁

上有時下馬令衆

皇子文武大臣侍衛侍坐取蒙古等所獻分頒飲啜
凡執事以及僕從均得沾渥蒙古來迎男婦以
及稚子皆令環坐

賜以酒脯歡聲動地謳歌遍野

命獨石口內五站豫備香薷湯

上諭行兵部曰獨石口內五站每站各煎香薷湯豫備

以酌飲凱旋軍士時方五月下旬盛暑之際

車駕所至或隔宵降雨或日間陰雲輕翳氛埃不起
涼爽襲人直抵京城類皆如此

命皇長子回京師

上諭行兵部曰皇長子令回京其散給軍糧事務交明
珠子成龍可也

壬午

上駐蹕蘇勒圖喀爾喀折卜尊丹巴庫圖克圖土謝圖

汗西地西里貝勒同衆台吉至慶賀勦滅噶爾丹因請謝

恩

上召入行宮內見之土謝圖汗率西地西里等叩頭

上曰爾年已老不必叩頭命扶起土謝圖汗跪而固請

曰噶爾丹係

臣

大仇事皆由

臣

而起

臣

已年老

欲見噶爾丹之殲滅度必不能念已絕矣今得

目覩夢寐中亦不料及此

臣

死亦無憾矣伏惟

皇上不自惜勞苦軫念衆喀爾喀等遭罹患難將狡惡
克賊噶爾丹立行勦滅如此

洪恩大德衰朽殘軀敢不叩謝奏畢叩頭不已

上命御前大臣扶起賜坐土謝圖汗復跪奏云

臣之隨

往出征人等言

皇上夙興夜寐日食一餐一應大小事務俱出

睿裁焦勞至極此舉特為七旗扎薩克喀爾喀驅除

災害使得永享安樂

臣

今年老不能効犬馬之

勞惟教臣子孫世戴

洪恩以圖報效

臣

喀爾喀等國雖減較之噶爾丹之

減尚覺榮幸

曩臣

等七旗扎薩克喀爾喀雖為

噶爾丹所破

臣

等尚識時勢將妻子及所屬人

等保護來歸

皇上蒙我

皇上廣如天之仁即納

臣

等仍復舊封享受

皇恩如此顯耀今噶爾丹悖天縱惡

天威甫臨其國立亡妻子被戮不能保護一應奴僕牲
口盡為俘獲雖帶數十騎隻身鼠竄終不能脫
死且無葬身之地矣臣較之噶爾丹相去懸絕
奏畢傷感淚下

上溫旨安慰之折卜尊丹巴庫圖克圖俯身合掌奏云
我係出家人以殺生為戒不敢行慶

賀禮但驅除兇暴以安衆生者乃佛經之所崇重
皇上欲使宇宙羣生各得其所

親歷諸般勞苦立奏絕世膚功我喇嘛不勝驚異自此
以後惟願

皇上萬壽無疆日於佛前誦經祝禱而已

癸未

駕至察罕諾爾撫遠大將軍伯費揚古平北大將軍馬
思喀等奏至疏曰五月二十一日副都統阿南
達至傳

諭曰西路糧餉未到軍前朕深切軫念如之何則可

爾兩大將軍會議欽此臣等查西路大兵五月十三日於昭莫多地方仗

聖主神威大敗噶爾丹後撥給察哈爾叅領品級章京
塞音察克察哈爾兵一百名酌量派給官員遣
往翁金有零星結夥覓食散行之厄魯特亦未
可知遇時即行勦殺并令曉諭翁金看守米糧
之西安副都統西爾哈達與運糧侍郎王國昌
等又移文副都統西爾哈達侍郎王國昌等言

託

皇上洪福大敗噶爾丹或有零星逃散妄行竊盜者亦未可知米糧關係甚要應加意防守嚴緊斥堠若遇厄魯特人即行勦殺知會後又撥給察哈爾叅領阿木胡郎等察哈爾兵二百餘名酌量派給官員令往迎米糧交戰地方山林之內或有零星逃散厄魯特人亦未可知遇時即行勦殺米糧到時防護向大兵前來本月二十一日

又遣喀爾喀昆都倫波碩克圖多羅郡王滾布
旗下色爾濟等十人照

上諭謄寫賫送齊思希忒克木齊克等處尋覓根敦代
青去矣我

皇上意圖萬全因西路糧米未到奉

諭極其周詳

臣

等議派出中路前鋒百名護軍百名

揀選西路前鋒護軍驍騎百名每旗派章京一

名每翼派夸蘭大一名正欲遣往

臣

費揚古所

遣往迎米糧駱駝及正卿辛保侍讀學士范承烈總兵官毛來鳳郎中鄂奇等自備駱駝二十九隻所載趕送大兵米糧於本月二十二日已
到其留於翁金之米正卿辛保等送往那拉特
地方運送之米既到此後並無可慮之處故停
止派遣兵丁為此謹具奏

聞

命示議政大臣

命賜土謝圖汗折卜尊丹巴庫圖克圖各銀一千兩
多羅貝勒西第什里銀三百兩

命賜土謝圖汗諸台吉妻女銀一千四百二十兩
命賞修道鑿井監牧人員先是

上諭侍郎安布祿等曰阿霸垓兩旗阿霸哈納爾兩旗
蒿齊忒兩旗內此番修路掘井牧馬之台吉官兵
等職名著照吳爾占噶喇布王所開翻譯奏覽至
是安布祿等奏言此次修路掘井牧馬之蒙古

台吉官員兵丁俱於所司之事盡心効力應欽
遵

上諭加

恩賞賜阿霸垓兩旗阿霸哈納爾兩旗蒿齊忒兩旗
以上六旗台吉一百四十三名舅舅子孫三名
應各賞銀五十兩都統三名副都統四名各賞
銀二十五兩叅領四名長史三名各賞銀二十
兩一等護衛七名佐領三十八名各賞銀十五

兩護衛三十五名典儀三名達爾漢一名驍騎
校二十四名各賞銀十兩兵丁附丁共二千二
百零八人各賞銀五兩共銀一萬九千九百六
十兩將于成龍帶來銀內動用現今六旗扎薩
克王貝勒貝子贊理旗下事務台吉等俱在此
處應交與伊等使賞各旗下台吉官兵等俾沾
皇上實惠奉

旨此次賞賚將蘇尼特兩旗亦入此數內再召尚書

班第著馳驛前來到時著照前議監視行賞其餘銀兩不必隨朕帶往著留此處現有員外郎帖圖一人在此再將部院才能官員派出一二人同帖圖管理所留此處銀兩馬匹僕從人等等候大兵于成龍所運之糧既無用處若使載回反勞牲口人力留此備用似猶有益著將此即行會議隨議上諭極其周詳俱應欽遵

諭旨行今應往召尚書班第將蘇尼特兩旗之修道

掘井坐塘台吉官兵數目查明照賞阿霸垓等
六旗例亦將于成龍賚來銀兩支賞之此賞八
旗人員之處交明尚書班第及扎薩克王台吉
等或賚回本處賞給或俱傳集於察罕諾爾地
方班第親同扎薩克等會同監賞著班第酌量
而行將于成龍賚來銀兩現在此處者即行賞
給餘銀即留貯此處俟尚書班第至時賞給阿
霸垓等八旗之修道掘井牧馬及坐塘之台吉

官兵其餘仍交于成龍原賚官員人等賚回京
城于成龍所運之米已過察罕諾爾者著撥給
後隊官兵餘俱令載回察罕諾爾地方其未至
察罕諾爾之米及和爾博以南驛站所留之米
亦交于成龍等俱運至察罕諾爾地方或酌量
收貯此收貯之米著于成龍等小心謹慎苦蓋
堅固勿使雨水浸濕以致霉爛察罕諾爾地方
去蘇尼特阿霸垓部落甚近量派此六旗官兵

著輪班看守此處所留人衆牲口銀米甚多今祇有帖圖一人著再留隨征之給事中能泰李沙會同料理將此所留人馬俟後隊兵至時各交明本主尚書班第于成龍李鈔喀拜等至時著同派官兵交明米石再回京城其取用所餘銀米之數著尚書班第于成龍等奏明存案奏入奉

旨依議

皇長子胤禔奏報撥給米糧事先是

上諭皇長子曰大兵糧餉若尚可支幾日將這一路糧
餉爾與明珠商議沿途節次存貯隨大兵所至地
方支給則車輛牲口俱得歇息兵餉亦不至有悞
至是

皇長子奏曰

臣

等自克勒和朔運往迎接大兵米一

千零十九石麵七千觔內除給過往迎西路運
留特勒爾濟地方米糧官兵外所餘米麵俱撥

給撫遠大將軍官兵矣今現到克勒和朔米二千零二十四石五斗麵四百觔將此米除給平北大將軍官兵一千石外餘米一千石麵四百觔再給撫遠大將軍官兵兩路大兵既有此米已可至拖陵地方現今拖陵有運到米三千一百石零為此移文于成龍著沿路運糧夸蘭大官員等將未到米糧接續於驛站處停止外又遣郎中噶禮隨其所遇著於驛站處停止又奏

曰奉到

勅令

臣

回京謹將糧務交于成龍明珠

臣

身於二十

六日自拖陵起行矣報

聞

甲申

嚴飭擅用官馬

諭行兵部曰朕回軍以來於沿路沙岡處見于成龍等所留挽車牲口盡皆肥壯至揀選帶往前去牲

口則疲瘦者多捐運贖罪人等將官馬馱載伊等私物以致糧餉顆粒亦不能依限至克魯倫此皆由于成龍等留肥壯馬匹在後捐運贖罪者將肥馬擅馱私物遲悞官糧朕路遇捐納人等用肥壯馬馱載私物者痛惡之已將馬追取散給兵丁矣將此移文知會于成龍

定凱還告

廟迎賀禮禮部奏言今

皇帝親統六師勦滅噶爾丹查

太宗皇帝往往征朝鮮受降還師諸王大臣上表迎接進京

之日詣

堂子行三跪九叩頭禮又告祭

太廟又查明朝永樂年間上躬率師往征蒙古回京之日

遣官告祭天地宗廟陵寢承天門旗纛之神布

告天下陞奉天殿受臣工表賀今

皇帝大捷回鑾進京之日應自和碩親王以下有頂帶

官以上俱穿蟒袍補服過清河郊上跪迎排列
儀仗自土城至

堂子從軍不從軍諸王大臣皆隨

皇帝赴

堂子聽鳴贊傳呼行三跪九叩頭禮畢排列儀仗自

堂子至午門

皇帝回宮其獻表慶賀告祭宣布天下應行事宜俟

皇帝回宮之後逐一查明議奏

上命議政大臣集議隨議

皇帝親統六師謨略預定勦滅噶爾丹

功德甚大古無與倫應行典禮俱應如禮部所奏

上從之

上諭皇太子曰朕入喀倫見草長甚佳諸人之馬留在
喀倫者皆更肥壯衆蒙古云比數載以來不曾見
如此草長茂盛雨水調勻之年自今春牲畜肥壯
四種牲畜之孳息並無損傷此皆我聖主所賜福

慶惠及我等者又內扎薩克喀爾喀翁嫗及婦人
稚子迎於路次喜而言曰以我聖主之威福不惟
一噶爾丹即十噶爾丹大兵一至亦立刻破滅矣
今聖主建立大功奏凱而還我等來迎叩首從此
共樂太平又有老婦等言我等初以為聖主不在
富盛之地寶幄之中安居逸樂而當此寒苦之時
何為來我曹此等地方我等聞遠過瀚海前往克
魯倫河我等老朽之人不覺眼中流淚每日哭泣

意中思念我主為何深入如此荒遠悍惡之敵地
忽聞將噶爾丹勦滅奏凱而還方知我威武聖主
之來誠大慶幸也若非如此我等今生何以生活
皆歡欣忭喜謂胸懷得以開暢稽顙至於破裂笑
者哭者一時雜還今正蒙古牲畜肥壯之時極為
殷阜較我師去時迥相懸絕比時未經遣聞今特
諭知可進

皇太后慈覽並使宮中知之

聖祖仁皇帝親征平定朔漠方略卷二十五

欽定四庫全書

史部

平定朔漢方略卷二十六

詳校官編修_臣曹振鏞

編修_臣裴謙覆勘

總校官進士_臣繆琪

校對官中書_臣鮑之鍾

謄錄監生_臣許紹錦

欽定四庫全書

聖祖仁皇帝親征平定朔漠方略卷二十六

六月乙酉朔發

駕至昂吉爾圖

命二郎保賁勅往諭青海薩楚默爾根台吉

上諭大學士伊桑阿侍郎安布祿曰今當會議遣檄于

青海之事矣如當遣檄即自此地遣去為善議曰

發檄諭青海甚是請將檄文即自此地發去如

青海諸台吉擒噶爾丹之女及其屬下人畀我
或令二郎保親身帶來或差人解來請

旨定奪

上曰著自此地遣撥什庫一人帶羅壘額木齊夥伴善
巴星馳至二郎保所令二郎保賫勅往諭如執噶
爾丹之人畀我著二郎保親身帶來再一面將檄
青海台吉之文發往京城作速照樣刊刻刷印百
餘張星飛驛遞二郎保所令二郎保遍諭沿途居

人理藩院差撥什庫巴特馬同羅壘額木齊夥伴
善巴賚

勅赴二郎保所其文曰理藩院檄知青海薩楚默爾
根台吉博碩克圖濟農欽奉

上諭曰爾青海諸台吉歷世尊奉達賴喇嘛法教敬事
本朝聘問貢獻恭順有年朕亦頻加恩賚未嘗有
間乃噶爾丹壞達賴喇嘛之法教不遵朕旨稔惡
不悛朕乃親統軍至土喇勒而滅之不可不明諭

青海諸台吉也噶爾丹前於烏闌布通敗走之時
朕如全發所調兵馬無不可追而誅滅之噶爾丹
首頂威靈佛像立誓言鬼物誘我進皇上邊汎也
我何敢知而闌入乎自此以後不但邊內扎薩克
蒙古即歸降皇上之喀爾喀如害其一人聽威靈
佛立刻誅之朕乃罷各路追兵宥其命而縱之噶
爾丹頑悖不悛朕屢勅曉諭竟不遵奉索我降人
喀爾喀不已去年又渡克魯倫河掠我降人納木

扎爾陀音朕遣員外阿爾必特祜等為使問故不
見朕使奪其所乘馬駝遣令步歸後遣侍衛克什
畱主事保住為使而往又不之見亦奪其馬畜使
之饑餓徒步而歸朕乃震怒發西路大兵一枝俄
農巴爾濟路大兵一枝克魯倫上流大兵一枝朕
親統大軍由中路而進既近克魯倫猶不忍羣生
橫罹鋒鏑又差長史多禪等往諭朕來與汝會語
朕無殺汝之心我大兵已截汝後路矣不信則遣

人往視可也又奪護送使人之馬褫使人之衣且不遣使人歸後又差扎薩克喇嘛彭素克格隆往亦不遣歸朕乃親統大軍近逼噶爾丹正俟所遣使人覆音循克魯倫河徐進噶爾丹聞聲畏威棄其婦子廬帳釜鐙而遁至特勒爾濟遇西路大將軍費揚古兵噶爾丹又先攘臂我西路大兵始奮擊之遂大敗噶爾丹陣斬阿奴及有名寨桑甚衆殺厄魯特人四千餘餘盡降全獲其子女駝馬牛

羊盧帳噶爾丹僅率三十餘人遁去其降人丹巴
哈什哈等人衆及所擒羅壘額木濟係博碩克圖
濟農遣往噶爾丹者俱言達賴喇嘛歿已九年矣
夫本朝為達賴喇嘛護法之主禮待六十餘年其
沒也第巴理宜奏聞而第巴匿之反惑衆誘噶爾
丹興戎第巴之罪大矣且噶爾丹言青海諸台吉
并俄羅斯國人與彼同攻中國又潛通中國回子
從中助彼計得中國後立回子為中國主彼則取

其賦稅是以至克魯倫及敗走之時猶語其衆曰
我至此克魯倫者非我意欲深入也達賴喇嘛言
我南征吉大慶也我是以深入此達賴喇嘛殺我
而我殺爾等矣思達賴喇嘛與朕道一風同相敬
有年達賴喇嘛尚存斷無此事此皆達賴喇嘛歿
後第巴指達賴喇嘛以唆噶爾丹其跡顯然除另
勅發第巴外今噶爾丹亡命西走亦未可定應傳
諭青海所在諸台吉如欲仍前修睦則通行屬下

西路所通地方人等俱各防守探聽聲息如遇噶爾丹即行擒解遇而不擒擒而不解知而故縱者此後永讐之至噶爾丹之女嫁於博碩克圖濟農之子即當解送噶爾丹之人現在青海者亦令盡擒解來上項原由著理藩院譯蒙古文帶羅壘額木齊之人一名飛馳傳諭

內大臣明珠等報遇西路大兵於多羅特之地以糧給之行兵部奏曰據駐扎克勒河朔內大

臣明珠咨言前者劉暄等運到克勒河朔米五百石麪七千觔已交侍郎阿爾拜星速解赴大軍與劉暄同於五月十八日起行又都司丁延祥運來之米自五月十九日起陸續到克勒河朔交員外達賴等星速解赴大軍已今起行俱在案今阿爾拜報稱職所運米五百石麪七千觔於二十一日俱到拖諾二十二日擇駝馬騾內之可用者率劉暄等運米二百八十石麪七千

勅到扎喇河朔遇平北大將軍遣往迎糧官兵
共二百二十二口給米四十四石四斗畢即起
行到多羅特地方次日撫遠大將軍兵到以所
餘米一百六十三石六斗麴七千勅送至大將
軍所已分給衆官兵矣又據侍郎阿爾拜亦以
前事報部為此奏

聞

謁

堂子免陳旗纛畫角行兵部奏曰

皇上親統六師出征噶爾丹之時排列八旗護軍旗纛

火器護軍旗纛詣謁

堂子啟行粵稽

太宗皇帝往征朝鮮受降凱旋祭纛於郊詣

堂子行禮

回宮令

皇上親統六師勦滅噶爾丹凱旋進京之日詣

堂子行禮應否排列八旗旗纛畫角請

旨定奪

上命議奏議曰八旗旗纛畫角俱在後軍詣謁

堂子請停排列旗纛畫角

上從之

丙戌莊親王博果鐸等奉

表稱

賀莊親王等奏為敬陳

聖略覃敷神威遠播滅寇奏勲普天胥慶事

臣

等於五

月二十二日伏讀捷音具聞

皇上躬行天討身先士卒直抵賊營巨憝震驚望風奔

遁

聖謨神算早已預料其必逃分道夾攻務令窮截其所

往果爾旁哭遇我銳師鋒鏑纔交薙獮殆盡賊

渠隻身窮竄妻子悉已就擒輜重牛羊盡皆收

獲脅從羽黨莫不歸誠渠逆迅消膚功立奏茲

蓋我

皇上深謀碩畫治軍無所不詳制勝宣威應敵無所不盡方噶爾丹之蠢動致喀爾喀之受侵衆謂何煩遠馭

乘輿但應特假節鉞倘非今日之預計或同前此之疎虞乃我

皇上決意親征謀成獨斷師興四路無不適合機宜令稟一心所以動關機要但從來軍行糧餉勢必

致民力輓輸而

皇上頻發帑金民不加賦屢頒恩賜兵有餘資莫不願
効馳驅咸知盡心供億且時當春仲新草方萌
更地值冰消又難出牧臣下墟拘之見皆以為
當暫緩期惟

皇上審料之深

特命乘時遄發果至塞外馳馬毫無匱乏之虞漸進西
陲道路益有菁蔥之盛

六龍親邁履砂磧而易若坦途一怒廓清擣賊巢而潰
同鼠穴往者逆藩叛亂賴

廟謨以次削平海寇逋誅厪

宸衷脩焉殄滅今茲醜類迅掃無餘向後兇頑萌芽永
絕從此屬藩消侵凌之患各遂生成抑且邊境
省捍禦之勞共遊熙皞

鑒回伊邇快看飲至軍容悔罪實繁喜見輸誠革面千
百國奉聲靈而恐後孰自外於範圍億萬年臻

上理以無加罔不涵於浩蕩矣臣等無任踴躍
懼忤之至謹奉

表稱

賀以

聞

上報聞

己丑

命侍郎多奇等留後禁踐踏偷盜田禾

駕至獨石口城中居民及二三百里居民扶老携幼排
列香案跪於道旁擎拳奏言

皇帝為我生民遠行征討滅此番寇自茲以來永享太
平耳不聞厄魯特之警矣但願

皇帝萬萬歲歡呼稽顙沿途不絕是日

皇太子率諸大臣迎

駕

上諭大學士伊桑阿曰朕親統大兵往征厄魯特噶爾

丹大勲既集奏凱言旋進獨石口見今年麥禾俱
大盛朕衷欣悅念大兵陸續歸來民皆倚此田禾
度日如或踐踏或偷盜餵馬小民何恃以餬其口
今將獨石口至懷來縣交侍郎多奇自懷來至京
城交侍郎馬爾漢率地方官與伊等隨行部員及
扈從部院官沿途巡察如獲踐踏田禾偷取餵馬
畜者立拿叅奏如遇而不拿拿而不立叅後朕聞
之必以軍法從事決不姑恕

辛卯

上駐蹕懷來縣時懷來縣地方稍旱

駕臨是地即沛然雨足其民同聲言曰真神異也

皇上除寇以快天下今日

駕甫至即霈甘霖甦我田禾歡欣踴躍跪叩道旁

癸巳

駕進京城先是以獨石口至京城天時炎熱

命沿途備冰水梅湯香薷湯官兵皆得其益是日復

命沿途仍前備之以足前軍之用辰時

駕發清河縣排列儀仗

皇太子率諸皇子諸王及在京文武大小官員俱穿
蟒袍補褂於郭外五里道旁跪接八旗護軍驍
騎步兵近京鄉紳士民工商耆老男婦皆扶老
携幼排列香案門戶懸綵人各捧香跪迎皆叩
首奏言

皇帝為萬民除害實勞

聖躬遠臨絕域大勲立奏

功德超隆天高地厚誠古來所未有

臣等仰戴

鴻恩但祝萬壽無疆而已

臣等

一聞凱音衆心不勝歡

悅急欲望見

天顏已候數日矣

上命前驅者勿警蹕於是父老扶杖率其婦子前行填

塞街道城外環集者數百萬人歡聲如雷

上由德勝門入詣

堂子行禮畢詣

皇太后問安

回宮

臣等伏惟我

皇上聖神文武威德廣被自往歲三逆掃蕩海島輸誠
東西朔南聲教暨訖雖殊方異域莫不梯山航
海而奉朝貢厄魯特噶爾丹荒徼頑孽狡焉思
逞竄伏西陲煽誘外藩蒙古諸部落曩者烏蘭

布通之役業已入我網羅幸獲免脫猶然怙惡
不悛近且逼處巴顏烏蘭時時侵掠我歸附之
喀爾喀悖逆天常志懷叵測

皇上洞燭情形綢繆先事謂年來訓練師徒簡閱將帥
我備久已修飭若不乘此時亟行剪除蠢爾克
頑勢必搖蕩邊疆馴至繹騷內地流毒蒼生為
害滋大非赫怒不足以安民非一勞不能以永
逸乃遂決計

親征命八旗皆儲峙以待調發維時廷臣震悚不敢以

寇賊之憂仰煩

君父方且交章乞留而

睿謀已定不撓羣議爰是祭告

天

地

宗廟

社稷聲罪致討禡牙輟路尅日啟行分遣撫遠大將軍

費揚古等領兵由西路前進以遏其西奔復令黑龍江烏喇將軍領兵分駐近地以防其東竄而大軍出獨石口由中路進發三方布置萬里連絡時尚春寒塞外水草未豐

皇上加意拊循軫恤周至櫛風沐雨與士卒同勞苦甚至日御一餐步行沙磧而又時

頒賜賚激勵同仇故凡列戎行及外藩助順諸王貝勒等人人感奮咸爭先効力而

聖謨廣運舉凡決機制勝之要調遣策應之方動必萬
全悉臻至當測料賊情洞若觀火指畫地勢契
若合符至於頒牧放之令以節馬力之疲勞飭
飛輓之程以籌糗糧之接濟定營伍之制申斥
堠之規無不上煩

宸慮稟受

指麾乃或水泉素乏之地忽湧靈源雨雪沍寒之時或
逢晴霽

天心孚協瑞應駢臻良由我

皇上為萬姓除殘至誠昭格故得

上天眷佑如此噶爾丹憑恃險遠井蛙自大猝聞

聖駕親臨遂爾倉惶潰遁

皇上身率前鋒窮追五日噶爾丹盡棄輜重晝夜狂奔
而

皇上所遣西路之兵早已按期截其歸途奮力邀擊擒
斬無算蓋自出師以至

回鑾不滿百日往返五千餘里而大功告成自古用兵
未有若此之神速者也臣等竊惟行軍絕漠古
昔所難我

皇上神謀獨斷克奏膚功電掃颶驅崇朝底績惟至仁
故能勞一身以靖蒼生惟至明故能居九重而
見萬里惟神武故能摧勁寇如拉枯朽逃稽上
古如軒轅之戮蚩尤虞舜之格苗頑功德至隆
然皆用兵寰中未嘗遠及域外也至如殷宗之

克鬼方為役三年周宣之伐獫狁不及千里漢
唐及明雖屢征朔漠未著奇勛以觀今日真邁
越前古遠矣從此邊隅永靖四海無波億萬斯
年蒙樂利之休享清宴之福孰非我

皇上神功聖德之所致哉

甲午禮部擬上

皇太后

皇帝尊號告祭典禮入奏畱

中先是莊親王博果鐸等奏言

神威遠播域外邊境永清敬陳燕賀之私請布捷音

上發該部詳查應行典禮事宜具奏至是禮部奏曰粵

稽

太宗皇帝出征朝鮮受降凱旋諸王大臣上

表迎接入京之日詣謁

堂子告祭

太廟又攷明朝永樂年間上親征蒙古歸遣官告祭天地

宗廟社稷陵寢承天門旗纛諸神頌詔天下上
御殿受大小臣工表賀令

皇上親統六師勦滅厄魯特噶爾丹
功德宏大亘古無倫應告祭

圜丘

方澤

社稷

暫安奉殿

孝陵遣官致祭

永陵

福陵

昭陵及旗纛之神

天安門太歲礮神及五嶽五鎮四瀆四海歷代帝

王陵寢孔陵亦應遣官致祭請上

皇太后尊號

皇帝尊號頒

詔天下

皇帝陞座諸王大臣官員上表稱

賀各省督撫文武官員亦上表稱

賀奏入

上畱中

命封喀爾喀郡王善巴為親王貝子彭素克為郡王
上諭內大臣國舅佟國維等曰昔喀爾喀王善巴奏言
噶爾丹不可使據克魯倫當討之而此役盡出其

馬以助軍勞動丕著殊為可嘉貝子彭素克聞慙
都逃即發人追之是役執訊偵探勤勞茂著其遣
穆扎哈爾等哨探也謂之曰此去如不獲實音不
擒生口皇上雖不加罪吾必誅之嚴責如此朕向
拖陵而來正思於歐德哈爾哈以下探聲息故問
鄉導地里形勢而彭素克人來奏歐德哈爾哈以
下已遣往探正合朕意如此等事殊為可嘉彼所
遣人員朕俱已加恩善巴彭素克理當議叙著交

與理藩院查明具奏理藩院奏曰查喀爾喀郡王
善巴擒解噶爾丹伊喇古克三庫噶克噶所差
煽惑六鄂羅斯之奸細尼爾巴格隆又向噶爾
丹使人博喇特和卓問明噶爾丹事情來報又
遣其人德得黑舍津於庫克納他喇納偵探收
獲汪舒克部落巴噶達等五戶來解又遣其副
都統扎爾等至庫倫白爾齊爾偵探又善巴之
諸子自巴爾哈蘇臺地方以外遣人偵探且善

巴奏言不可容留噶爾丹在克魯倫是役効勞
於西路大軍中盡出所有馬匹給軍士乘用喀
爾喀貝子彭素克當慙都逃去時彭素克差其
子往覓殷扎納其身追慙都與戰又遣人於其
屬下台吉厄爾德尼阿海使追慙都收其子媳
而來分遣人探噶爾丹慙都聲息又對噶爾丹
設立哨卒奏入

上命以郡王善巴為親王授貝子彭素克為郡王以示

獎勸可會議具奏僉謂當遵

聖旨加封其原封善巴信順之號原封彭素克伊爾登

濟農之號俱奉

欽定應仍存之換

冊之事請交該部

上從之

命以餘米存貯察罕腦兒

上諭內大臣國舅佟國維等曰朕沿途視邊內田禾甚

茂邊外所種之苗五月初間被霜略損是以復種
邊外蒙古未必不致乏糧于成龍所運米供給兩
路大兵尚有所餘前諭于成龍察罕腦兒地方前
歲曾耕田築室貯糧有此現成房屋可往存貯如
不能運到酌便留下今應將此米詳議預備朕又
見來路仍有解馬騾捐助者大兵已還米無所用
今令捐助則此事如何完結朕原諭于成龍捐助
人員車馬騾與米俱到土喇者准其作數而于成

龍請于京城收馬駝驛原諭米在八十日內運至
土喇不但不能至土喇即八十日內至克魯倫者
亦少今大兵已還仍使捐助可乎若不預定後必
紛亂矣著會同定議具奏議曰于成龍所運之米
供應大兵餘剩者甚多察罕腦兒地方有現成
貯米房舍取餘米貯備大有裨益應欽遵

上諭而行將于成龍供應大兵餘剩之米即派其隨行
人員運致察罕腦兒謹貯現成所有倉內倘房

舍不敷就近擇地收貯勿使雨水霑濡即交附
近扎薩克小心看守至大兵已勦滅噶爾丹而
還其米無庸前運應停止捐納馬騾其捐納車
輜馬騾已運米至拖陵者准為捐納如不至拖
陵者不准為捐納應行文于成龍將運到拖陵
者幾何不到者幾何分晰查明開造清冊星速
具奏其不准人員馬騾仍各發還本人

上從之

乙未

諭用兵之道在得天時

上諭大學士伊桑阿等曰觀此番出征地方形勢守亦可戰亦可但得天時甚難兵蚤出則天寒無草乏水兵不能行兵遲出則天暑雨水多倘連雨數日則樵採不敷必致窘乏此番兵出遇無水之地而得水無草之地而草生寒暑俱調此特

上天眷佑故滅寇而成大功並非人力之所能也其以是

語九卿伊桑阿出傳

諭九卿俱跪而奏曰

上天為民除害

皇帝亦為民除害

皇上德量如天

皇上雖不自居豐功偉績誠皆出自

聖心也

命增察哈爾護軍之餉加

恩外藩蒙古

上諭大學士伊桑阿曰朕此番出征視察哈爾兵人材
矯健甚為効力其護軍當每月加餉一兩至四十
九旗兵丁此數年間戍役勞苦其中路西路出征
押送糧車監牧坐塘鑿井修道兵丁應每人每年
六兩給三年不出征兵丁每人六兩給一年著議
政大臣集議議曰查八旗口外游牧所在察哈爾
前鋒護軍共八百二十二人每月各加一兩給

一年需銀九千八百六十四兩至四十九旗兵
共六萬四千八百九十一人其內中路西路出
征及不出兵押送糧車監牧坐塘鑿井修道兵
丁行文該扎薩克將名數逐一查明送到後其
出征押糧監牧坐塘鑿井修道兵丁每人每年
加銀六兩給三年其不出征兵丁每人加銀六
兩給一年其不出征之兵分別殷實者停賞真
正貧乏者每人六兩給一年行文各該扎薩克

將名數逐一查送後共需銀若干具奏分給以
此開入

詔欵

上從之

安郡王馬爾渾報奉

旨起行赴愛必哈什喇穆喀倫兵部奏曰安郡王
報稱奉

旨於本月初五日起行赴愛必哈什喇穆喀倫地

方以上默特兵交土默特都統阿必達副都統
綽爾濟雅克其隨來宣府等處綠旗步兵一千
名交原領都司陳福等在歸化城住候部文為
此奏

聞

上命綠旗兵歸本汛

遣御史鍾申保賫糧迎給各路回軍費揚古奏
曰臣等西路兵所携八十日糧至五月初四日

已完運米牲口程遠乏水而兵行又疾是以不能趕及兵丁正在缺糧之際

皇上早見西路之米不到於迎賞米內將一百六十三石六斗麵七千觔五月二十三日遣撥糧內大臣明珠戶部侍郎阿爾拜員外達賴運到多羅特之喀喇烏素地方

臣等率官兵叩頭謝

恩均給兵丁訖二十六日至拖諾續運到米八百七十一石令右衛及陝西寧夏大同發回官兵節

減而食計口分給俟至納喇特將西路運到之
米算明伊等到日支取各赴本汛訖六月初一
日至克勒河朔以運到克勒河朔之米一千二
百一十四石計京城官兵赴京西安寧夏官兵
及厄魯特降人口數均給十五日米訖蒙

聖上為官兵乏糧周詳籌畫特遣大臣預將米糧陸續
運到迎給官兵得免乏糧之苦此皆

聖上周詳籌畫

隆恩之所致也厚比

天地覆載之德仁逾父母養育之恩雖粉骨碎身不能報於萬一者也同聲歡頌如此奏至

上諭曰大將軍伯費揚古疏言右衛兵寧夏兵自拖諾遣回納喇特前者朕聞西路之米今從驛路納喇特而去並未報西路之米已到何地竟不知其所至恐兵丁乏糧亦未可定應撥鍾申保等能員二人隨便取歸化城喇嘛官員殷實人戶之駱駝車

輒裝運湖灘河朔之米迎往著會議具奏議曰

皇上熟籌而有斯諭俱當欽遵行之請遣御史鍾申保
再能員一人乘驛速往于歸化城喇嘛官員殷
實人戶隨便取駱駝車輛裝載湖灘河朔之米
親身帶領星速迎往其押駱駝車輛官兵應取
諸歸化城及附近旗分帶去奏入

上從之

副都統阿南達奏報噶爾丹等遁走情形阿南

達奏曰訪之降人言噶爾丹本身逃向何方知之不明丹濟喇丹津俄木布會阿喇卜灘于博羅之地不久即別率其屬下百許人往覓噶爾丹阿喇卜灘率其屬下五百餘人順博羅河下流而去我等俱自彼地來聞滾占之妻率其屬下人從慙山南渡土喇河溯塞稜河遁走其內自亂伊德順柯爾寨桑等叛而內來滾占之妻率兵與戰伊德順柯爾寨桑敗又噶爾丹所設

尾後兵明吾特布喇特兩部落千許人正當噶
爾丹敗亂之時見阿喇卜灘屬下人婦子從特
勒爾濟口向博羅河而走此千許人追及之奪
其畜產婦子中之佳者往投喀爾喀和托揮特
之根敦帶青而去矣此語雖未真謹據所聞奏
聞

上報聞且以示議政諸大臣

丁酉將軍孫思克謝

恩併報赴京事孫思克奏言勦滅噶爾丹實仗

聖駕親臨狡寇膽落遁逃

臣等恪遵

皇上訓旨滅賊於昭莫多之地

臣

等並未能効纖芥之

力樹尺寸之功乃

皇上優加恩賜以示寵眷五月十八日

特遣一等侍衛馬武到營宣

旨召臣來京面

聖正治裝赴京之時五月二十一日副都統阿南達來

傳

上諭令西安官兵綠旗官兵赴京安息官兵聞

旨俱欲進京但鎗礮火藥甲冑軍器什物甚重全需牲

口馱載然牲口甚少而又疲瘦不可用倘載火

器等物到京又載回陝西甘肅則京城與肅州

境上相去五千里有餘程途遙遠空勞往來臣

與將軍博濟會商俱不便赴京今將軍博濟副

都統馬自德滿洲漢軍章京共二十六員筆帖

式一員酌帶滿漢兵五百名

臣

與總兵官潘育

龍等四十五員酌帶綠旗兵五百四十五名隨

大將軍一齊赴京外其餘西安滿漢官兵交副

都統巴林綠旗兵交副將守備等官由歸化城

一路入邊各自遣歸本汛至赴京官兵甲冑器

械俱交遣回本汛官兵帶歸外又滿漢綠旗官

兵以至僕從在克魯倫一帶沿途地方蒙

皇上屢次加恩賞給口糧官兵領米俱歡呼得食矣

皇上如此隆恩我等何以報効但捐軀為

國家立功邊疆盡力以報

皇上之恩皆向

闕叩頭謝

恩求_臣等代奏

上諭曰西路大兵糧運不到恐大兵乏糧朕心殊以為
憂預為籌畫陸續撥中路糧運迎至拖諾山足給
軍中不致匱乏朕心始懌

戊戌

宥大學士伊桑阿罪免革職先是以坐塘官阿林不將委付馬匹小心看護致多倒斃

上諭內大臣曰呼什穆克驛坐塘阿林等所留馬六十匹倒斃至三十五匹其餘俱未蘇近見奏言內府佐領馬匹又多倒斃馬者軍之急需伊桑阿理兵部事竟不効奏以請懲治一味模稜徇庇兵部之事亦流而日懈不復可觀矣爾等令即拿坐塘阿

林甘應選白奇到京責令賠馬內大臣等請交該部議吏部議伊桑阿理兵部事而不預為嚴飭使在水草佳處小心看護以致馬多倒斃後又明知馬多倒斃不効奏懲治務為徇庇殊玷職守應將伊桑阿革職

上曰此事俟到京後再議至是部議仍擬伊桑阿當革職

上曰伊桑阿從寬免革職著降三級罰俸一年

己亥

皇長子胤禔以兩路大兵至拖陵沿途備米之事

奏

聞胤禔奏曰

臣

於六月十一日到滾腦兒探得軍中

聲息言馬思喀兵初一日可到拖陵費揚古兵

初六日可到拖陵至馬思喀費揚古自拖陵起

行何日到邊已遣人往探俟得實音奏

聞臣自拖陵起行之時遵

旨將糧務交清明珠于成龍而來探得撥糧之事自
拖諾至邊汎共給過四千一百七十九石零所
餘一千六百一十三石零于成龍等以空車攤
載運赴察罕腦兒查視在後步行僕從各色人
等驛中俱有米恐後又增人亦未可定已交喀
拜使每驛增備米糧自拖陵至滾腦兒沿途俱
有運米在

上報聞

庚子

命將軍薩卜素駐防科曷偵探聲息

上諭議政大臣曰薩卜素現領兵駐索約爾濟地方軍中所備之米扣至七月初五日為止今不預為籌度兵丁必致乏糧著遣盛京兵千名回薩卜素携來兵千名科曷地方有現貯米在可率之至此駐防偵探著行在議政大臣集議咸奏言
諭旨甚是俱當遵行

上遣侍讀學士伊道隨將軍薩卜素而往

辛丑

命以鄉導汪舒克等八人為達爾漢理藩院奏言奉
上諭以蘇尼特杜稜郡王達林扎卜旗下鄉導汪舒克
郡王額駙薩瑪扎旗下鄉導博羅扎卜阿霸垓卓
力克曷郡王達馬林扎卜旗下鄉導達濟郡王吳
爾占噶喇卜旗下鄉導桑阿阿霸哈納爾貝勒布
昭旗下叅領鄉導伊魯兒曷鄉導索諾木喀爾喀

貝子程伯兒旗下司儀長馬哈杜喇兒八人俱授
為達爾漢查得

太宗皇帝時以肯濟赫同阿賴呼魯克追毛明安引道有
功賜達爾漢之號免其賦役子孫承襲順治三
年十二月內以烏朱穆秦車陳親王護衛達喇
海於和碩德豫親王率兵追騰機思之役引道
至喀爾喀國有功賜達爾漢之號免其賦役承
襲三次今汪舒克等鄉導八人應作何承襲伏

候

上裁

上命汪舒克照肯濟赫例博羅等之達爾漢准其承襲

四次

督運于成龍奏報撥給大兵糧馬自拖陵起行

于成龍奏言

臣奉

旨與內大臣明珠同在拖陵給平北大將軍官兵僕從綠旗官兵厄魯特降人俱照人數共米五百

二十石零給撫遠大將軍官兵西安官兵綠旗
官兵僕從土默特蒙古厄魯特降人亦皆照人
數共米七百二十九石零至備帶馬騾內撥給
大兵數目俟到京造冊另報外六月初九日自
拖陵起行帶回餘米一千六百一十三石向察
罕腦兒而來

上報聞

丙午大將軍伯費揚古奏報西路兵回喀倫遣

將軍舒恕侍郎滿丕赴歸化城察探各路回軍
及糧運聲息先是

上遣侍讀學士喇錫傳

諭費揚古曰喀倫地方水草佳美費揚古一枝軍馬到
喀倫後當暫駐守乃彼未完之事伊等如一徑到
京似有可虞朕亦思事之無常在彼進兵之路使
安王等駐愛必哈什喇穆冷續其尾後今善巴王
昆都倫博碩克圖王等由納喇特之路來正當愛

必喀什喇穆冷不論從何處來總之愛必哈為形
勢之地且其行也務留一妥幹大臣於其軍後保
護看守勿使拖沓疲乏者致於遺棄朕之行亦如
此是以一物無失至是費揚古報遵

旨率官兵於六月十九日已到喀倫駐扎

上曰前日諭將軍薩卜素兵千人駐扎喀倫科圖地方
今大將軍疏但言奉旨駐喀倫地方已於六月十
九日到喀倫其兵數及投誠人俘獲人綠旗兵併

于成龍之米作何截留之處並未明晰如此則日
後又將生枝節作種種難事矣况阿爾薩闌衛寨
桑進追噶爾丹喇什又率車陵扎卜之兵五百進
而追之至遣回綠旗兵八千西安滿兵席爾哈達
兵運米之車若何寧夏未嘗一報此等事或西路
大臣內有明之者朕心猶疑之著議政諸臣將此
內事情逐一詳議具奏議曰大將軍伯費揚古之
兵作何留後投誠人俘獲人綠旗兵作何措置

于成龍之米作何截留並未詳盡申說此項事
如目下不議明則日後又生枝節成種種難事
彰彰明矣目下阿爾薩蘭衛寨桑進追噶爾丹
喇什又率車陵扎卜之兵五百進而追之此乃
費揚古未完之事則費揚古等之兵允宜留後
駐劄近

諭將軍薩卜素率兵千人駐扎科圖地方今應令費
揚古等之兵亦留一千費揚古親率駐扎歸來

兵丁之馬與留後兵酌便調換其餘官兵及將軍孫思克博濟兵仍遵

旨赴京至投誠人理當速發安插相應扣給口糧交明領回軍大臣遣行投誠人到張家口日期亦著預報其留後兵應支幾月口糧著將軍算明向于成龍等支領率兵起行及支米數目即令奏明除回軍之俘獲外其留後軍俘獲有願帶回者許令遣行又查費揚古等遣回綠旗兵西

安滿兵席爾哈達兵未知歸到本汛否米車已
到何地今已如何未嘗一報近奉

諭旨遣兵部理藩院官各一員至寧夏歸化城探聽
費揚古遣回諸軍歸到本汛與否米能接濟與
否聲息如上項情事費揚古等有所灼見著作
速奏明至米到在何地或已運回應檄王國昌
等令彼作速奏明其領回軍而歸之大臣伏候

欽點

上曰前使莫里溥駐扎寧夏者特欲其報此項諸事也
寧夏綠旗兵留駐翁金副都統席爾哈達兵費揚
古早已遣之使歸矣是軍之歸到本汛與否莫里
溥並不來報著將軍舒恕侍郎滿丕乘驛速赴歸
化城將伊等遣回之兵席爾哈達等率領留駐翁
金之兵已到何地米得接濟與否查明具奏王國
昌喻成龍等所運之米如何已到何地曾否接濟
回軍所設驛站如何作速差兵部官往問王國昌

喻成龍等令去員親身查明來奏從納喇特前去之兵何時過去給米與否亦差官一員查明來奏將軍費揚古措置已畢將軍薩卜素到科圖後著費揚古回京將此速檄費揚古可也

丁未侍郎西喇奏報遷入厄魯特降人丹巴哈什哈等西喇等奏言厄魯特降人丹巴哈什哈察罕西達爾哈什哈等夥伴一百六十口及大將軍費揚古送到丹巴哈什哈家人西虎爾共

一百六十一口 臣親身同鑲黃正白兩旗察哈爾兵夸蘭大多爾濟扎卜等率察哈爾兵二百防護而來六月十九日到張家口外十八里臺地方居住又丹巴哈什哈察罕西達爾哈什哈等跪告曰我等來歸

聖上蒙

皇恩宥而不殺且使我妻子兄弟完聚遣我等至張家口之時

皇長子惠給牛羊米麪茶葉廬帳釜鐺等物

皇上如此隆恩終身不能報答願得赴京以供

聖上道路灑掃之役伏乞轉奏

上曰著諭丹巴哈什哈云爾等雖係降人俱有用之材
今即使至此天時炎熱不但爾等不宜入居即我
出兵歸來者當此暑天猶苦腹瀉如是炎熱爾等
何以堪此自夏而秋自秋而冬以漸相習始可也
爾等姑在口外俟將軍軍中所解降人俱到之日

當另有諭旨又丹巴哈什哈等無衣與鋪蓋著於
張家口章京何芳處支領

庚戌

叙賞奉差偵探蒙古理藩院奏言據尚書班第咨
稱欽遵

諭旨著將班第所差偵探人員記名俱加恩賜查前
差往偵探者乃蘇尼特王薩木渣達林扎卜阿
霸垓王達瑪林扎卜阿霸哈納爾貝勒布昭喀

爾喀公車木楚克納木扎兒衛徵諾顏阿玉什
貝勒汪渣兒等旗識道路記山川之台吉官員
兵丁共選擇一百一十七人前往其內喀爾喀
車木楚克納木扎兒旗下庫爾登佐領披甲猛
索和三次告請往厄格穆爾布爾哈蘇臺等處
偵探且送書於根敦帶青西卜退哈灘巴圖等
蘇尼特杜稜郡王旗下鄉導完舒克阿霸垓王
達瑪林扎卜旗下叅領畢喇什阿霸哈納爾貝

勒布昭旗下叅領伊魯兒圖薩爾濟佐領驍騎
校塞特爾伊等俱告請効力前往人員伏乞叙
賞查員外阿爾必特祜隨行鄉導鄂欣楚楊博
羅等俱獎賞蟒領羊皮襖各一件緞各二端布
各二十匹披甲巴爾米特等九人各賞緞二疋
布二十匹在案茲披甲猛索和鄉導完舒克叅
領伊魯兒圖等已在軍中給賞不議外叅領畢
喇什驍騎校塞特爾請賞緞各二匹布各二十

匹其餘賞緞各一匹布各十匹

上從之

辛亥以第巴使人羅卜臧凱尊發部拘禁先是
上諭內大臣索額圖大學士伊桑阿達賴喇嘛班禪達
賴汗青海諸台吉使人至則照例安插定所食物
俱依舊供給但將第巴使人收禁理藩院中撥兵
看守至是理藩院奏言達賴喇嘛使人郭尼爾羅
卜臧帕克巴格隆等在今日到查前此達賴喇

嘛使人來城外有為達賴喇嘛造成舍院隨便
掃除院內搭蓆棚安插撥官兵守門今亦照前
例令在達賴喇嘛房院內居住其第巴使人羅
卜臧凱尊等拘禁臣部撥官兵看守

上命議政大臣與大學士集議議曰往召班禪庫圖克
圖第巴阻止之而復與噶爾丹為一體其使應
遵前

旨拘禁

上報聞

檄責通政司通政使覺羅莫里溥理藩院奏言
撥什庫常住往迎達賴喇嘛使人回問之曰西
路遣回之兵曾到寧夏否言遣回之兵已於寧
夏見之歸中衛之兵亦曾見之

上曰遣回之兵恐乏糧食朕深為憂慮向使正御莫里
溥住扎寧夏欲其奏報諸聲息也今遣回之兵已
到寧夏而莫里溥並不奏報爾等可移文責之

安插厄魯特降人回回國王阿卜都里什特等
理藩院奏言據大將軍伯費揚古咨稱奉

皇長子令遵

旨時方炎熱著厄魯特降人暫居張家口外欽此將
軍可帶至分路之處使吳巴什拜察克阿玉什
阿迪等蒙古大臣逐隊分開撥察哈爾兵護送
與侍郎西喇所解丹巴哈什哈等會同遣行查
本軍中陸續來降者厄魯特內有回回國王阿

卜都里什特厄魯特台吉塞冷扎卜米寨桑等
共一千九百三十四口歸降之後或逃或盜馬
情罪可惡正法者共一百四十三人病死者三
百四人又扎薩克達爾漢親王喀爾喀善巴王
昆都倫博碩克圖等各扎薩克蒙古軍中降人
五百五十九口

乾清門侍衛馬武至傳

旨云投誠俘獲人等俱俟朕酌量措置即遵

旨將伊等檢點交付訖又正黃旗五品官鄂欣認出
弟兄三十口將此除出其餘男婦兒童共八百
九十八口交付土默特副都統阿迪阿玉什撥
八旗章京八員兵三百名防護於六月二十日
遣行使送交解丹巴哈什哈往張家口之侍郎
西喇此項押送官兵或令駐扎張家口獨石口
等處與大兵一同進邊或令徑赴京城乞定奪
檄知查厄魯特降人既俟秋涼安插善地其押

送官兵應於安插之前暫駐防守俟安插後回
京此項官兵及厄魯特降人口糧應交戶部將
張家口所有之米撥給

上從之

昆都倫博碩克圖郡王滾布以厄魯特烏鎗及
甲來獻滾布奏言聞

聖駕出征臣滾布雖老願從軍効力蒙

上允許臣乃率我子孫起程自哈喇厄魯特地方在大

軍前行擒獲三次偵探之時敵人至副都統阿南達令臣登山乃往山上交戰一面往報將軍適遇誘至之敵與戰後布陣之時將軍乃令臣

在後然聞大礮之聲欲再往山上覘之見發礮

將軍諸臣分頭掩擊領兵者不令臣等過去而

從旁繞入與戰放鳥鎗以殺其人聞擊敗噶爾

丹捷音臣原思親赴

行在稱賀緣年老路遠天暑是以此叩頭上奏謹遣

臣子台吉托堂護衛綽代賚所獲鳥鎗一桿甲
一領綿甲一領駱駝三頭馬三疋上

獻

上受其鳥鎗及甲交付所司

甲寅議復遣使於達賴喇嘛先是內齊陀音庫
噶克噶等賚達賴喇嘛等奏章還

上命放達賴喇嘛等使人入京至是以達賴喇嘛使人
郭尼爾羅布臧帕克巴格隆等已到京城奏

聞

上交該部以內大臣索額圖大學士伊桑阿知此事原委爾等可與索額圖宣旨諭來使曰噶爾丹敗於烏蘭布通遁走之時首頂威靈佛像設誓云不但聖上屬下人民即喀爾喀降人以外再不敢復犯矣去年又背誓至克魯倫地方殘害喀爾喀掠我降人納木扎爾陀音於是朕親統大軍往討噶爾丹懼而奔遁適遇我防禦之兵誅殺過當噶爾丹

率數人僅以其身免餘者盡降厄魯特遂滅厄魯
特降人告曰達賴喇嘛久已脫縉矣天下蒙古皆
尊奉達賴喇嘛如達賴喇嘛身故理宜報聞諸護
法主以班禪主喇嘛之教繼宗喀巴之法乃匿達
賴喇嘛之喪指達賴喇嘛之名唆誘噶爾丹朕屢
遣使問之第巴皆不使與達賴喇嘛相見偽居高
樓之上以示之第巴原係達賴喇嘛下管事人朕
優擢之封為土伯特國王乃陽奉宗喀巴之道法

陰與噶爾丹比欺達賴喇嘛班禪而壞宗喀巴之
法前遣濟隆庫圖克圖至噶爾丹所為噶爾丹誦
經選擇戰日朕為衆生往召班禪沮而不遣朕無
責達賴喇嘛達賴汗青海諸台吉之意朕今遣使
於達賴喇嘛果達賴喇嘛尚在則面見朕使臣曉
諭噶爾丹遵朕旨行朕凡事俱無所復言亦略無
所介意若仍誑我使人不令相見斷不輕止至噶
爾丹之誓濟隆庫圖克圖等現在其地問之豈有


謬乎今將遣使如彼來人欲全歸則聽其皆去欲
先擇數人歸即遣先行爾等可召集達賴喇嘛達
賴汗使人宣旨其噶爾丹降人喇嘛格壘巴兒珠
爾同憨都台吉降人喇木扎木巴青海羅壘額木
齊著侍郎西喇帶之星速前來俟其到日偕京城
大喇嘛賫勅前去應遣之大喇嘛著爾等查奏索
額圖等以扎薩克大喇嘛默爾根綽爾濟等名
開摺具奏

上命派出次等大喇嘛津巴札木素著查前隨副都統
阿進泰保濟出使識認達賴喇嘛者或經他事前
往識認達賴喇嘛者具奏索額圖等覆奏云烏思

尼哈畢咱雅塔之德木齊索諾木臧布係漢人
種曾去五次見之必識願往効力察罕喇嘛俄
木布垂札木素格隆係漢人種曾去五次見之
必識今雖年老願往効力大仁寺阿旺羅卜臧
格隆係阿木道種曾去三次烏思尼哈畢咱雅

塔之左特巴格隆係漢人種曾去三次西達達
廟阿旺納木札兒格隆係漢人種曾去二次俱
認識未真

上命派出德木齊索諾木臧布保住



聖祖仁皇帝親征平定朔漠方略卷二十六